



GIPUZKOA



ETA EUROPAR BATASUNA

148. INFORMAZIO BULETINA

> 2019ko urria



Europar Batasuna
Unión Europea

Fondo Europeo de
Desarrollo Regional (FEDER)
"Una manera de hacer Europa"

Eskualde Garapenerako
Europar Funtza (EGEF)
"Europa egiteko modu bat"

GIPUZKOA



NABARMENDU BEHARREKOA

> **Elgoibar 2019ko Europako Kirolaren Herri izan da eta bere Urrezko Bandera jasoko du Europako Legebiltzarrean abenduaren 10an**

Saria urtero eskaintzen du ACES Europa izeneko Europako kirolaren kapitalen eta hirien Elkarteak. Bere lehendakariak, Gian Francesco Lupatelli-k, emango du, eta Elgoibarreko ordezkariak hiriko alkatea, Ane Beitia, buru izango du.

Elgoibarko kirolaren azterketa eta puntuaketa Kosice-ko eslovakiar unibertsitateak egin zuen, eta Elgoibar sartu zuen urtero izendatzen diren 50.000 biztanle baino gutxiagoko 10 hiri europarren artean. Kirol ekitaldien kopurua, kalitatea eta aniztasuna baloratu ziren; publiko kopurua, komunikazio eragina, edota boluntariora; eta gorapatu zen "ez ohiko esfortzu sistematikoa", Udalak honen merituen gehiena elkartei eta hiritarrei aitortu dielarik.

Urtearen 9 hilabetekoak bakarrik zenbatuta ere, hiriak kirol federatuko 21 lehiaketen egoitza izan da eta herritar tankerako 25ena, hala nola kirolaz girotutako 14 kultur ekimenena, tartean erakusketak edo musika emanaldiak; 1.500 kirolari, 50.000 ikusle eta 1.500 bolondres inguru zenbatu dira.

Euskal herri-kirolak aipatu dira beste "Kirolaren Herrien" artean Elgoibar nabarmentzen duten elementu bat bezala; honek laguntzen dio hiriaren nazioarteko ikusgarritasunari, izan ere sari honekin horrelako garai berri bat irekitzen zaio hiriari.

(+ información)



> **Arizmendiarreta Fundazioak, bere enpresa ereduarentzako Gipuzkoako Foru Aldundiaren eta Euskadi eta Nafarroako gobernuen sustapena lortu eta gero, Europako erakundeen aurrean aurkeztuko du**

Gipuzkoako Foru Aldundiak Arizmendiarreta Kristau Fundazioari dirulaguntza bat eskaini zion, eredu partehartzaile eta barneratzaileak sustatzeko egindako deialdiaren barne. Eredu hauekin, langileria enpresaren kudeaketan parte har dezake, hala nola etekinetan, jabetzan, edo beste hainbat eratan. Hauek guztiak Euskadiko, eta batik bat, Gipuzkoako kooperatiben sortzailerik nabarmenenaren pentsamoldearen jarraipen bat dira, Arrasate-Mondragón herria abiapuntu izan zuena.

2018an eredia Legez Besteko Proposamen bihurtu zen Eusko Jaurlaritzaren aurrean, eta mozio bat bezala aurkeztu zen Nafarroakoan. Bietan talde guztien aho batezko sustapena lortu zuten Fundazioak koordinatutako, eta bestelako eragile sozioekonomikoekin prestatutako testuek.

Fundazioak 2019-2024 epealdian bere proiektu edo ereduak bere ibilbidea jarrai dezan nahi du, Aldundiaren laguntzarekin eginez, baina baita ere Europako Legebiltzarren eskutik, epe hori daukana bere agintaldi bezala. Agintaldi horretara begira, aurreikusten da gero eta eztabaida gehiago egongo dela enpresa filosofia berrien inguruan; lehiakortasuna, eraginkortasuna, giza garapena eta sortutako balioaren banaketa hobea bateratzen dituztenak.

Beste erronken artean, Fundazioak nahiko luke Lurraldeen Batzordeak eta Europako Kontseilu Ekonomiko eta Sozialak ebazpenak igor ditzaten aipaturiko bi legebiltzarrek emandakoen aldekoak; Europako Legebiltzarrean helburu bera lortzeko oinarri izango direnak, beren proposamenaren edukiak Europako Batzordearen eta EBaren eskumenei egokitu ondoren.

Alde batetik, inspirazio bat izan zen Gasteizen proposamena onartu eta gutxira, 2018an, Europako Legebiltzarrak Batzordeari emandako agindua, sustatu dezan besteen konturako langileen enpresa-partehartze aurreratuzko eredu bat.

Bestetik, 15 herrialdeetako eurolegebiltzarkideek eta 6 talde politikoek sinatu dute, Fundazioak bezala, EFES-en adierazpen bat, Langileen Akzio-Jabetzarako Europar Federazioarena hain zuzen ere, Arizmendiarreta Kristau Fundazioarekin ere lan harremana daukana.

(informazio +)



> Eusko Jaurlaritzak hitzarmen bat sinatu du Donostia 2016 Fundazioarekin, Europako kultur hiriburutzari lotutako hiru proiekturi jarraipena emateko

Kultura eta Hizkuntza Politika Saila arduratuko da 'Tosta' eta 'Hizkuntza Aniztasunaren Europako Foroa' proiektuen zabalkundeari jarraipena emateaz, eta 'Hitzargiak' ekimena garatuko du.

Eusko Jaurlaritzak lankidetzeta-hitzarmen bat onartu du Donostia 2016 Fundazioarekin, Donostia 2016 Kultur Hiriburutzari lotutako Tosta, Hizkuntza Aniztasunaren Europako Foroa eta Hitzargiak proiektuak bultzatzeko. Helburua da Fundazioa erabat desagertzean Kultura eta Hizkuntza Politika Saila izatea proiektu horiei jarraipena emateaz arduratuko dena.

Zehazki, hitzarmenak Tosta eta Hizkuntza Aniztasunaren Europako Foroa proiektuen hedapenari jarraipena emateko beharra ezartzen du, baita Hitzargiak proiektua garatu eta gauzatzeko beharra ere. Akordioaren arabera, jarraipen-batzorde bat sortuko da, hitzarmena betetzen dela bermatzeko.

Hizkuntza gutxituak dituzten herrialde eta kulturetatik etorritako artistak biltzen dituen ekimena da Tosta egitasmoa. Irlanda, Eskozia, Gales, Cornualles, Frisia, Galizia eta Euskaditik etorritako musikari eta artistek hartzen dute parte proiektuan. Igor Otxoak zuzentzen duen eta Mixel Ducau buru musikala duen proiektuak Oreka TX txalapartariak hartzen ditu euskal ordezkari gisa.

Hizkuntza Aniztasunaren Europako Foroak, bestalde, Europa osoko aditu akademikoak biltzen ditu, hizkuntza-aniztasunaren sustapenean lan egiten duten eragile sozial eta instituzional nagusiekin esperientziak eta ikuspegiak partekatzeko. Foro hau UNESCO Etxea- Euskadik eta Donostia 2016k antolatzen dute.

[\(+información\)](#)



> Foru Aldundia Gipuzkoako tunelik luzeenetan inbertsioak egiten ari da Europaren segurtasun zuzentarauaren irizpideei jarraituz

Diputatuen Kontseiluak A-15 autobideko tuneletan estaldura sendotu eta tunelen instalazioak egokitzeko Jarduketa Plana onartu du, Europako 2004/54/CE zuzentzaria betetzeko. Araudi honen helburua erabiltzaileen gutxieneko segurtasuna bermatzea da, gizakiaren bizitza, ingurumena eta tuneletako azpiegiturak arriskuan jar ditzaketen egoera kritikoak saihestu eta istripuak gertatuz gero dagokion babesa eman. Zuzentzari edo direktiba hau Europako errepide sareko tunelei aplikatu behar zaie, 500 metro baino luzeagoak badira. Ondorioz, Gipuzkoan A-15 errepideko lau tuneli eragiten dio: Belabieta, San Lorentzo-Larre, Gorosmendi y Oindolar.

Eider Mendoza bozeramaileak gogoratu duenez, 2016an hasi zuen prozesua Aldundiak; gaur arte, San Lorenzo-Larre tuneleko Iruñea norabideko tutuan egin dira egokitzapen lanak, eta orain Donostia norabidekoan ari dira lanean. 12 milioi euroko inbertsioa bideratu da San Lorentzo-Larre tuneleko lanetara. Zailtasun anitz dituen prozesua da, foru bozeramaileak azaldu duenez: alde batetik, errepidea mendiko autobidea da, eta ondorioz martxoaren 15etik azaroaren 15era bitartean bakarrik da posible obrak egitea. Bestalde, proiektuak eragin ekonomiko garrantzitsua dauka, eta honi gehitzen zaizkio trafikoan duen eragina. Azken hau dela eta, ez da posible lanak tunelen guztietan aldi berean egitea.

Gaur onartutako Jarduketa Planarekin, Aldundiak berretsi egin du bere konpromisoa Belabieta, Gorosmendi eta Oindolarreko tuneletan lanak egiteko 2020 eta 2023 urteen artean. Inbertsioa, guztira, 48,3 milioi eurokoa izango da. "Plan honekin, foru erakundeak argi uzten du berriro ere proiektu hau gauzatu eta Europako zuzentzaria betetzeko duen konpromisoa, zailtasuna zailtasun eta konplexutasunak konplexutasun. Errepideen artapena hizki larriz dator jasota gure plangintza estrategiko guztietan, eta erabaki hau norabide horretan doa hain zuzen", defendatu du Mendozak.

Proiektuan, besteak beste, jarduketa hauek aurreikusten dira: estabilizazioa konpontzea; drainatzea berritzea; instalazioak egokitzea energia horniketara; ekipamendu elektronikoak tamainara egokitzea; argiteria sistema eguneratzea LED teknologiarekin ustiaketa kostuak murrizteko; aireztatze sistema berriz jartzea; eta sutearen aurkako babes sistema bat jartzea, hidrante sare batek eta zutabe lehor batek osatua galeriaren barruan. Gainera, teknologia puntakoenak jarriko dira errepideen kudeaketa eguneratzeko, zirkulazioa eta edukierak kontrolatzeko, telebistako zirkuitu itxiaren sistema hobetzeko, Gertakarien Detekzio Automatikoko sistema bat ezartzeko, eta komunikazio sistema erabiltzailearekin, SOS zutoinen sistema berrituz eta megafonia gehituz.

(+información)



KOHESIO POLITIKA

> Foru Aldundiak herrietako emakumeen ekintzailatza erakutsi dio Aragoiko Concilia programaren arduradun talde bati, Landa Garapenerako Europako Nekazaritza Funtsaren laguntzarekin

Miren Elgarresta, Aldundiako Berdintasunerako zuzendaria izan da Euskadin talde honi harrera eta aurkezpen bat egin dienetariko bat. Urriaren bukaeran etorri ziren 25 emakume inguru Huesca-ko eskualde ezberdinetatik, bai enpresariak direnak, bai garapen agentzietako teknikariak, bestelako profilen artean.

Aragoiko erkidegoko Concilia planak honako xedea dauka: "pilotu-estrategiazko lurralde arteko lankidetzatza proiektu bat izatea, gizarte eta lanbide barnerakuntza sustatzeko eta landa inguruan emakumearen ahalduntzea bultzatzeko". LEADER irizpide edo programa jarraitzen du; eredu hori Europar Batasunean jarraitua izan da azken 30 urteotan, eta batik bat Landa Garapenerako Europako Nekazaritza Funtsak (LGENF-ek) finantzatzen du. Huescako Diputazioak eta gehienbat landa eremutaz osaturiko eskualdeen garapen agentziek lantzen dute proiektu hau.

LGENF, ingelesez EARDF eta gaztelaniaz FEADER izenekoa, ez da Kohesio Funtsa eta berez ez dago EBaren Kohesio Politikaren barne; politika hura lurralde garapenerako EGEF funtsan, gizarte arloko EGIF funtsan eta behar handieneko herrialdeetarako Kohesio Funtsan datza. Baina dena den, lurralde eta landa inguruen sendotasunerako mesede egiten du, eta aipaturikoekin batera, hala nola Itsas eta Arrantzako Europako Funtsarekin (IAEF), 5 Egitura eta Inbertsio Funtsen multzoa osatzen du.

Euskadin LEADER programa Mendinet elkartearen bidez kudeatua dago, eta horrek ere izan zuen Concilia-ren arduradunen bisita; hain zuzen ere, Eusko Jaurlaritzako Landa Garapen zuzendariak egin zien aurkezpena, hala nola Emakume Nekazariaren Estatutuarena, Gasteizen, eta baita Añanako Gatz Harana, bertara egindako bisita batean.

Gipuzkoan baserritar emakumeen elkarteak bisitatu zuten eta Errezilgo Azoka, Errezilgo udalerriko 5 emakumek kudeatutako salmenta zuzeneko azoka. Zumaian, Hitzek elkarteak ezagutu zuten, landa inguruko emakumeei buruzkoa, eta Santa Klara landa turismo gunea, elkartekide batek kudeatutakoa.

Geroago, Berdintasunerako zuzendariak, Miren Elgarrestak, Itziarren aurkeztu zituzten eskualde horretan eta arlo honen inguruan garatutako ekimenak. Bidaia bukaera emateko, Huescako taldeak beste 3 proiektuei egin zien bisita Bizkaian.

[\(+información\)](#)



> **ITS enpresak eta Vicomtech-ek, Gipuzkoan egoitza dutenak, “antigorputz digitaletan” lanean ari dira, zibersegurtasun sistema aitzindari batetan, EGEF-ek, eta Eusko Jaurlaritzaren Hazitek-en sustapenarekin**

Euskal enpresa hau mehatxu digitalak identifikatu eta neutralizatzea xede duen ITSIA proiektua garatzen ari da Hazitek 2019 programaren babespean. Hazitek Eusko Jaurlaritzak enpresen I+G jarduera sustatzeko duen funtsezko programa bat da. Vicomtech gune teknologikoak ere parte hartu du proiektu honetan.

Hazitek programa pisu handia dauka, Euskadiko 2014-2020 EGEF Plan Eragileak (Eskualde Garapenerako Europako Funtsarenak) finantzatzen dituenen artean; %50ko finantziazioa izaten da beti.

Mehatxu zibernetikoei aurre egiteko asmoz, zibersegurtasunean trebatutako ITS Security konpainiak ITSIA proiektua (Immunitate Sistema Artifizialen bidezko Adimen Artifiziala) abiarazi du, giza-sistema immunologikoa imitatzen duen defentsa zibernetikorako autoikasketa plataforma.

Ikasketa Automatikoko (Machine Learning) teknologien eta Adimen Artifizialeko algoritmoen aplikazioaren bitartez, zibereraso baten aurrean erantzun behar ote den erabaki lezakeen sistema bat sortzea da ITSIA proiektuaren helburua. Sistema honek antigorputz digital baten antzera funtzionatuko luke.

[\(informazio +\)](#)



> **Gipuzkoan sortutako FAR proiektuan, 5 enpresek eta Ideko teknologia guneak garraioetarako materialen artezketa doitzen ari dira, EGEF eta Hazitek-en laguntzarekin**

Gipuzkoako erakundeetaz osatutako partzuergo hau, enpresa arloko I+G, edo ikerketa eta garapena bultzatzeko Hazitek Programari atxikitako proiektuari ekiten ari da aeronautikako, tren-industriako eta automobilgintzako erronkei aurre egiteko asmoz, hain zuzen ere artezketa arloko soluzio zehatzagoak, fidagarriagoak eta moldaerazagoak lortzeko.

Hegazkinak hegan egin dezala edo trena garraiobide eraginkorra, segurua eta iraunkorra izan dadila lortzeko, nahitaezkoa da puntako teknologia duen balio-kate zehatza eta fidagarria abian jartzea. Euskal enpresa nabarmenek, makina erremintako fabrikatzaileek eta industria-ekoizpenerako sistema aurreratuen ekoizleek FAR proiektuan lanean dihardute, balio erantsi handiko soluzioak garatzeko xedez.

FAR proiektua Eusko Jaurlaritzak abian duen enpresa arloko I+G bultzatzeko Hazitek 2019 programari atxikita dago eta BRTA (Basque Research and Technology Alliance) Partzuergo Zientifiko-Teknologikoko kidea den IDEKO zentro teknologikoa du partaide, Aotek, Soralue, Fagor Automation, Talleres MYL eta Tratamientos Superficiales lontech erakunde eta enpresekin batera.

Sektore estrategikoetara begira ekin zaio proiektuari: aeronautika, trenbideak, energia ekoizpena eta ibilgailuak, IDEKOren esanetan.

2018an eman zitzaion hastapena eta 2020ko abenduan bukatuko da 1,7 milioitik gorako aurrekontuarekin, Eskualde Garapenerako Europar Funtsak elkarfinantzatua (EGEFek) eta lau arlotan bilatzen ditu konponbide teknologikoak: makinak, osagaiak, grinding digitala eta prozesuak.

IDEKO gunea Basque Research and Technology Alliance (BRTA) Zientzia eta Teknologiarako Partzuergoaren barne dago Euskadiko beste teknologia eragileekin batera.

(+ información)



EUROPA 2020 ESTRATEGIA

> **Ahaldun Nagusiak Euroeskualdeari buruzko Forum Bidasoaren Irungo topaketa itxi du: Euskadi, Nafarroa eta Akitania Berriaren arteko elkarriketak, DV eta Sud Ouest-ek antolatuak eta Europako Batzordeak sustatuak**

Forum Bidasoaren hirugarren topaketa izan da, Ficoban (Irunen), urriaren bukaeran. Euroeskualdeko hiru lurralde-gobernuen ordezkariak izan dira bertan, hala nola eragile publiko, ekonomiko eta pribatu nagusiak. Proiektuaren aurreko topaketetan bezala, zabalkuntza handia izan du ekitaldi honek, bi komunikabide-taldek antolatu dituztelako, zehazki El Diario Vasco eta Sud Ouest egunkariaren argitaratzaileak. Ekimen hau mugaren bi aldeetako bi bankuek sustatu dute, eta baita Europako Batzordeak ere.

Zenbait mahainguru antolatu dira, hainbat ikusle eta gonbidatuen aurrean egindakoak, eta zabalkuntzarako aldizkari bereziak sortu dira, bai eztabaiden eta bai Euroeskualdearen hainbat gaiei buruz berri emateko.

Iparralde eta Hegoaldeko 300 pertsona inguru bertaratu dira eleaniztuna izan den ekitaldi honetara, antolatzaile eta sustatzaileen ordezkariak izanik irekiera hitzaldiak egin dituztenak. Berrikuntza eta energiari buruzko solasaldian energia eta teknologia arloetako enpresa taldeen zuzendariak aritu ziren. Ekonomia eta erakundeei buruz hitz egiteko, hiru gobernuen ordezkariak hitz egin zuten; beste mahainguru batean, enpresen ordezkariak egiten duten erakunde batzuen buruak aritu ziren solasean; eta bukatzeko beste bi ere antolatu ziren, bata unibertsitate arloko adituekin, eta beste bat finantza erakundeetakoekin.

Gipuzkoako Ahaldun Nagusiak, Markel Olanok, itxierako hitzaldia egiterakoan honakoa esan zuen: "demokrazia liberalen krisialdiko giro honetan, oso garrantzitsua da Europar Batasunarekiko gure konprometua irmo mantentzea. Gero eta Euroeskualde eta Europa sendoagoa behar dugu, eta eraikuntza hori hiritarrengandik hasten da".

[\(+ información\)](#)



> **“Erronkleta”, Donostiako Udalaren, Kristina Enea Fundazioaren, eta Kalapie-ren proiektua, Europako Batzordeak saritu du “gizarte txirrindularitzako” ekitaldirik onena bezala**

Bigarren urtez jarraian Europar Batzordeak sustaturiko Social Biking ekimenean tokiko antolatzaile onenaren saria eskuratu du Donostiako Bizikletaren Behatokiak, urriak 18an, #Erronkleta izeneko erronkari esker. Behatokia Kristina Enea Fundazioak, Donostiako Udaleko Mugikortasun Sailak eta Kalapie hiri txirrindularien elkarteak osatzen dute. Hiru astez, #Erronkleta ekimenak – ekimena Donostian horrela bataiatu da– mugikortasun eredu eta ohitura jasangarri eta osasungarriak sustatu ditu herritarren artean, bizikletaz egindako joan-etorriak saritzen dituen lehiaketa baten bidez.

142 parte-hartzailek eman dute izena aurten Donostiako erronkan (gizon eta emakumeen artean modu ekitatiboan banatuta), guztira 4.756 kilometro eginez. Ekimena Donostiako Bizikletaren Behatokiak koordinatu du, eta bere parte dira Cristina Enea Fundazioa, Donostiako Udaleko Mugikortasun Saila eta Kalapie hiriko txirrindularien elkartea. Europar Batzordeak hiru irizpide hartu ditu kontuan Cristina Enea Fundazioa Europako toki-erakunderik onena dela baloratzeko orduan: biztanle bakoitzeko parte-hartzaileen kopurua (parte-hartzaile aktiboen kopurua, hiriko biztanleei dagokienez); parte-hartzaileek lortutako puntu sozialen kopurua (ibilbide bera bikotean edo taldean egitean lortutakoak dira puntu sozialak); eta sustapen-kanpainaren kalitatea eta eraginkortasuna.

Cristina Enea Fundazioko zuzendari Txema Hernández eta Enrique Ramos Donostiako Udaleko Ekologia eta Osasun Publikoko zinegotzia Budapesten izan dira iragan urriak 18an Europar Batzordeak antolatutako galan, eta, bertan, hiriaren ekimena Europa mailako toki-erakunderik onena dela egiaztatzen duen saria jaso dute. Saria Tibor Navracsicsen eskutik jaso dute, Hezkuntza, Kultura, Gaztedi eta Kiroleko Europar Komisionatua, eta Joint Research Centerreko arduraduna.

Europako Batzordeko Joint Research Centerrek emandako sari hori "hiriarentzat albiste bikaina" dela azaldu du Ramosek, eta gaineratu du sari honek "Cristina Enea Fundazioa urte hauetan guztietan egiten ari den lan bikaina berretsi eta aitortzen" duela.

Erronkak iraun duen hiru asteetan, parte-hartzaileek mugikortasun-modu eta -ohitura jasangarriagoak eta osasungarriagoak sustatzen dituen ekimen batean parte hartzeko aukera izan dute, hiru faseren bidez.

(+ [información](#))



> GHK-k eta Aldundiak Gipuzkoako Ingurumen Gune Berria aurkeztu diete Europako 35 adituei, Euskadin ospatu den ISWA 2019 Hiri Hondakinen Mundu Kongresuaren 29. edizioaren barne

GHK-k eta Gipuzkoako Foru Aldundiko Ingurumeneko Departamentuak parte hartu dute ISWA 2019 Hiri Hondakinen Mundu Kongresuaren 29. edizioan, non esperientziak eta ezagutzak partekatu dituzten Europako eredurik aurreratuenekin, hondakinen kudeaketari, ekonomia zirkularrari eta birziklatzeari dagokienez. Hori dela-eta, Europako balorizazio energetikoko plantetako 35 bat adituk eta ordezkariak Zubietako Ingurumen Guneako lau instalazioak bisitatu dituzte. Hala, bertatik bertara ezagutu ahal izan dute hondakinak kudeatzeko 2020. urterako Gipuzkoako eredu aitzindaria.

Adituek Guneako bi faseak bisitatu dituzte: alde batetik, tratamendu mekaniko biologikoko eta balorizazio energetikoko planta, eta bestetik, biometanizazioko eta zepak heltzeko plantak. Aurreikusita dagoenez, Zubietako Ingurumen Guneako balorizazio energetikoko plantak 160.000 MWh sortuko ditu urtean, hau da, gutxi gorabehera 45.000 etxe eta 130.000 pertsona energia elektriko hornitzeko adinako energia.

Ingurumen Guneako lau azpiegiturak abiarazita, Gipuzkoak abangoardiako zentro bat izango du bere hondakinak tratatzeko, ahalbidetuko duena zero isuriko sistema bat eta zabortegeak baztertzea, 2020. urtetik aurrera. Hori dena kudeaketa garden batekin, zeina bermatuko baitu Hondakinen Kontsultazioaren kontrol publikoak.

ISWA kongresua hondakinen kudeaketa arloko nazioarteko tamainarik handieneko ekitaldia da, eta haren antolaketaz arduratzen dena Ategrus da, Hondakinen, Hiri Garbitasunaren eta Ingurumenaren Kudeaketarako Elkarte Teknikoa.

Ekitaldi hori sektorean dagoen garrantzitsuenetako bat jotzen da, eta agertoki bikain bat da ikuspuntuak trukatzeko, hondakinen bilketako eta kudeaketako profesionalen, politikarien, zientzialarien eta teknikarien artean. Aurten, "Circular Economy: What are you doing?" esloganarekin, 1.200 aditu inguru bildu dira Bilbon, 70 herrialdeetakoak, honela osatutako egitarau baten bitartez: 250 hitzaldi, debate, erakusketa, bisita tekniko, eta abar.

[\(+ información\)](#)



> **Gipuzkoako Foru Aldundiak Finlandia bisitatu du basoen kudeaketaren adibide eta Europako Basoetarako Institutuaren egoitza izateagatik**

Aldundiko ordezkari bat, Imanol Lasa buru duela, herrialde eskandinaviarreko eragile eta erakundeekin bildu da. Gipuzkoako Foru Aldundiak gertutik ezagutu du Finlandiako baso kudeaketako eredua, Finlandia erreferentzia baita mundu mailan baso kudeaketari dagokionez, eta Gipuzkoako basogintza sustatzeko darabilen estrategia kontrastatu du, herrialde eskandinaviarreko eragile instituzionalekin, ekonomikoekin nahiz hezkuntzakoekin. Horretarako, foru ordezkari bat, zeina osatu baitute Ekonomia Sustapeneko, Turismoko eta Ingurumeneko diputatu Imanol Lasak, Mendietako eta Natura Inguruneke zuzendari Arantxa Ariztimuñok eta Nekazaritzako eta Lurralde Orekeko zuzendari Xabier Arrutik, hainbat bilera eta topaketa egin dituzte urriaren 2an, 3an eta 4an.

Bisitaldian, ordezkari bat gipuzkoarrak xehetasunez ezagutu ahal izan du nola aurre egin dien Finlandiak hainbat erronkari, hala nola biodibertsitatea, belaunaldi aldaketa, garapen ekonomikoa, lankidetzak publiko-pribatua eta sektoreak duen garrantziaren inguruko kontzientziak. Finlandiak 80 trilioi zuhaitz ditu, baso azalera hedatzen joan da urtez urte, eta 1995etik basogintzak 229.000.000 euroko ekarpena egin du esportazioei dagokienez. Basogintzaren inguruan benetako industria bat garatu da: egurrez eta paperaz gain, berrikuntzarekin lotutako gaiak landu dira baso baliabideetatik abiatuta, hala nola material eta erregai berriak.

«Aldundia, Gipuzkoako elkarteekin eta herritarrekin batera, etorkizuneko sektore ekonomikoak garatzen ari da: industria aurreratua, elektromugikortasuna edo biozientziak, besteak beste. Ikuspegi hori baso kudeaketara eraman nahi dugu, hartara, sektorearekin lankidetzan, bioekonomia zirkularrerantz igartzeko. Ziur gaude bidaia hau probetxuzkoa izango dela zentzu honetan», adierazi du diputatuak. Gaineratu du Finlandia erreferentzia dela, halaber, «prestakuntza mailari» dagokionez. Bestalde, basoen kudeaketak duen garrantzia herritarrei helarazten jakin du, «kontzientziak, sentsibilizazio eta heziketako neurriekin». Neurri horiek guztiak bertatik bertara ezagutuko dituzte, «Gipuzkoan zeregin handia baitugu oraindik arlo horretan».

Proiektu horien artean dago «EduPark education and business ecosystem». Gipuzkoako ordezkari bat proiektu horren arduradunekin bilduko da, basoen eta haien kudeaketaren balioaz jabetzeko gizarteari igortzen dizkieten mezuak ezagutzeko. Ikerlariak, hezkuntzaren arloko eragileak, basojabeen elkarteak eta abar biltzen dituen Landutako Basoen Europako Institutuko (IEFC) presidentearekin ere egongo da foru ordezkari bat, eta bertatik bertara ezagutuko du Joensuun egindako lana: Ipar Kareliako hiri hau Europako Baso Hiriburu izendatu zuten 2011n. Han, hainbat erakunde ezagutuko ditu, hala nola Forestry Center, zeinak eskualdeko baso programak koordinatzen baititu, eskualde mailako gobernuak, nahiz Europako Baso Institutua (EFI), besteak beste.

(+ información)



DOKUMENTU INTERESGARRIAK

> Europako Batzordearen Hiri Sortzaileen Monitorearen txostena

Europak Euskadi nabarmendu du adibide bezala Europako Batzordearen menpe dagoen Europako Berrikuntza Agentziak landutako azterketa honetan.

[\(+ información\)](#)

> 2019-2024 epealdiaren kohesio politikarako agenda

“REGI Batzordeak adierazitako gakoak”: azterketa honek gaur egungo gaiak eta gai berriak jorratzen dira kohesio politikaren arloan, Europako Legebiltzarraren Lurralde Garapen Batzordearen lan agenda sustatzeko, 2019-2024 bere agintaldi berrirako. Azterketa batzordearen eskumenekin loturiko gaietan zentratua dago, eta gakoak diren gai politikoak nabarmenduz azaltzen ditu bere ondorioak, 2021-2027 epealdirako egin beharreko eztabaidarako, kohesio politikaren esparruan.

[\(+ información\)](#)



EUROPAKO DEIALDIAK

> **UIA – Acciones Urbanas Innovadoras**

Deialdi irekiera: 2019.09.16 – 2019.12.12.

Hiriguneen (>50.000 b.) Administrazio publikoei zuzendua

- Aire kalitatea
- Ekonomia zirkularra
- Kultura eta ondarea
- Aldaketa demografikoa

(+ *información*)

> **Horizon 2020 – Kontzentraziozko Eguzki Energia**

Deialdi iragarpena ERA-NET CSP-ren barneko nazioarteko proiektuetarako. Kontzentraziozko Eguzki Energiari (CSP-ri) buruzko arloa ERA-NET Europako laguntzen barne, I+G estrategikoaren arloan, mugaz gaindiko elkarlanaren sustapenerako deialdietarako gainontzeko elkarfinantzaketarako. AEI, Estatuko ikerketa agentziaren partaidetzarekin.

(+ *información*)



> 2019ko urria

> Horizon 2020 – Eguzki energia fotoboltaikoa

Deialdi iragarpena ERA-NET Solar 2-aren barneko nazioarteko proiektuetarako. Eguzki energia fotoboltaikoari buruzko arloa ERA-NET Europako laguntzen barne, I+G estrategikoaren arloan, mugaz gaindiko elkarlanaren sustapenerako deialdietarako gainontzeko elkarfinantzaketarako. AEI, Estatuko ikerketa agentziaren partaidetzarekin.

[\(+ información\)](#)

> Instituto Europeo de Innovación y Tecnología (EIT)

Climate-KIC –aren (Jakintza eta Berrikuntza Komunitatearen) barneko deialdiak. Zenbait deialdi irekiak tokiz tokiko hirien arazoen konponketa proiektuetarako klima aldaketa eta energia arloan.

[\(+ información\)](#)

[“EUROPAKO FUNTSAK GIPUZKOAN” webgunea](#)